

COLOVINYL
MOSAICO di PLASTIC

Un bonita vloer pa cu-
shina, pasillo y banjo.
Practico y moderno!!

FABRIKAAT
LINOLEUM KROMMENIE
MESKER - ARUBA N.V.
TEL. 1325

ARUBA ANSE COURANT



Diario pa



Aruba

KING SIZE COCA-COLA
MORE
FOR
YOU!

INSTALA AIREACON-
DICONADO NA BO

CAS AWOR!

Tel. 2170



ANJA 23

DIAMARS 19 JUNI 1962

No. 4364

Lamtamentu den prison Canadiense

MONTREAL, 19 juni — 1500 pri-
sonero cu a lamta den e prison cana-
diense St. Vincent de Paul na Montreal,
Canada, a cende e prison na candela.
Unda nan, door di forma piramidanan
humano a trata di hui over di e mura-
ya di diosdos meter altu.

Militarnan den uniforme di combate
a tuma posicon riba e murayanan cu
bajonet riba nan scopetnan.


DIA 21 DI JUNI LO TIN EXAMEN DI TRAFICO

ORANJESTAD — Dia 21 dje luna
aki, den 55 klas di 29 scol na Aruba
lo tuma examen di trafico. Den e exa-
menan aqul lo tin como 1.400 disci-
pulo meti. Cu e numero ta altu tin su
motibu di cabeznan di diferente scol
a dicidi e anja aki di larga pasa e exa-
men aqul for di 5e klas, como programa
ba. Den e examencomissie di trafico
di scol tin seshon Sr. J. Sebaastiaanse
como president y como miembronan
Sr. L. Hart, R. de Keyser, J. W. Klein
y W. van Nimwegen. E president y am-
bos sres ultimo menciona ta represen-
tantenan di tres liga arubano di maestro-
nan.

DIADOMINGO "DERA GAI" NA JAMANOTA CLUB

SANTA CRUZ — Diadomingo awor
lo tin e fiesta folklorico di San Juan,
cu "Dera Gai" den Jamanota Club na
Santa Cruz, asina nos a wordo informa-
di parti di directiva dje club menciona.
E conbunto folklorico arubano, bawo di-
reccion di senior Sixto Croes, lo per-
formar pa e tononan musical durante e
fiesta tradicional aki na nos isla.

Tur anja den un of otro club tin "De-
ramento di Gai". Dos anja pasa nan
a tene e fiesta aki na Jamanota Club
cual tabata un rotundo exito. E anja
siguiente pa motibonan imprebisto nan
no por a organiza e fiesta aki lostima-
mente. Sinembargo diadomingo awor e
"deramento di Gai" ta priminti di bol-
be bira algo inolvidable. Tin hasta pre-
mionan atractivo pa e participantenan
cu logra dal e gai.



TAMBE UN SER-
VICIO RAPIDO

PA TUR TRABOU
DI FOTOGRAFIA

Solamente un parti di e prison, unda
nan tabata hiba administracion y un
bloque central di celnan a wordo destrui
pa candela.

Bomberonan, awe nan trabao no
tabata bai mucho rapido pa via cu no
tabatin suficiente awa.

Algun presu, cualnan cel a kima por
completo a wordo transporta bou di
vigilancia fuerte pa un prison chiqui
den cercania. Pa otro presunan nan a
pone den hardin di e prison camanan,
unda nan por a drumi. Pa tur seguri-
dad nan a pone schijnwerper masha
fuerte mes riba esinan.

Na un conferencia di prensa tene aye-
ra noch autoridanan di e prison a
participa, cu e lantamentu no a costa
ningun bida. Tres guardiante y 27 pre-
su a wordo herida. Tres di e presunan
ta grave.

E situacion politico na Spanja

MADRID, 19 juni — Gil Robles, lider
dje Democratonan Cristian derechista
spanjo, a pone su mes na e conferencia
di e movimientu europeo na Muenchen
na banda dje desteradonan spanjo, pa-
for dje consoho particular, di Don Juan
de Bourbon, e pretendente di trono
spanjo, asina nan a bisa den un nota
di Don Juan na e gobierno spanjo.

Ajera nan a manda copianan dje no-
ta aki na representantenan di prensa di
exterior na Madrid. E conde di Barce-
lona a declara aki den, cu pa dilanti
nan no a pone na altura dje delibera-
cionnan na Muenchen y cu el a tende dje
sucesonan ayanan via radio.

El a pone acento, cu ningun perso-
na a actua durante conferencia den su
nomber y cu cada miembro di su "con-
seho particular" cu a tuma parti na e
reunion na Muenchen, a pone nan mes
nafor dje consoho. Segun nan ta trece
dilanti, cu e nota di Don Juan no preci-
samente ta condena e reunion di Muen-
chen ni tampoco e resolusion acepta, y
cu tampoco e ta contene un desapropa-
cion di actitud di miembronan di e
union spanjo monarchista, cu tambe a
bai Muenchen.

E consoho ta consisti di 42 miembro.

HUELGA NA MERCA

E 10.000 miembronan di personal dje
compania mericano di aviacion "Ame-
rican Airlines", a hanja orden di nan
bond di huelga, awor cu e deliberacion-
nan cu obrero y contratistanan tocante
suelo y condicionnan di trabou a fra-
casa. Mavan e mecaniconan di Trans-
world Airlines lo huelga.

BAPORNAN CU LOODS A TRECE DEN HAF

ORANJESTAD — E cantidad di tonela-
da di vapornan cu den luna di mei a
drenta nos haf cu asistencia di loods a
ser compara cu mei '61. Esaki su cifra-
nan oficial di Haven- en Loodsdienst a
bisa.

MEI 1961
163 tankero 2.672.875 BRT
79 otro vapornan 333.683 BRT
2 velero 120 BRT

244 total 3.006.678 BRT

MEI 1962
163 tankero 2.922.708 BRT
72 otro vapornan 319.988 BRT
4 velero 238 BRT

239 total 3.242.934 BRT

CARL SEEMANN TA DUNA FUNCION NA O'STAD

ORANJESTAD, 19 juni — E conocido
pianista aleman Carl Seemann a ser
hanja dispuestu pa riba invitacion di
Arubaanse Kunstkring e duna un funci-
on den Cultureel Centrum riba dia-
huebs 21 di juni p.v. pa 8.30.

Den e programa hopi varia bo ta
contra cu obranan di maestronan for di
tur periodonan di estilo di historia di
musica di West Europa.

Como representantenan di Barok,
pues e tempo alrededor di 1700, nos ta
contra cu compositornan manera Scar-
latti, J. S. Bach y G. F. Handel. Di
Domenico Scarlatti lo ser toca 4 "sona-
tas", door dje mes jama "ehercicionan"
pa musica di clavecymbel, mientras Seem-
ann lo interpreta di Handel un Suite
den G y di Bach e conocido Fantasia
Cromatico y Fuga.


Mozart ta representante dje periodo
di Rococo, cu e obra di variacion den
G y Fr. P. Schubert y Frederico Chopin
ta Romanticonan dje programa.

E anochi lo no ta completo, ora cu
tambe un obra moderno no a hanja un
luga den e fila y pa esaki e pianista a
scohe Serenade den A dje compositor
ruso Igor Stravinsky. Tumando cuenta
dje diferente critica bibu cu e artista
aqul a sabi di acumula riba su torneo
Joor di Sur America, por considera cu
esaki lo bira un anochi musical particu-
lar.

AULA DI MISA DI METHODISTANAN PRONTO TA CLA

SAN NICOLAS — Segun Ds Gumbs
di misa di Methodistanan na Aruba ta
spera sigur e trabao ta casi termina, cu
denter di dos luna por cuminsa haci
servicionan den dje.

E aula cu no ta destina exclusiva-
mente pa misa di Methodista, pero cu
tambe por ser usa door di otro organi-
zacionnan na San Nicolas cu tin nece-



E portret aqul nos a ricibi for di Nieuw
Guinea na ora di yegada di Hr. Ms.
„Zuiderkruis" na Hollandia, cu abordo
850 militar di exercito real. Un parti di
nan ta queda Hollandia y e otro parti
ta bai Sorong y Blak.

sidad na semehante sala, lo bin monta
un suma di f. 90.000.— ora cu e ta
completamente cla. Tres anja pasa den
un reunion den e misa menciona, un tra-
hamentu di e sala aqul na cual San Ni-
colas tin gran necesidad, a dicidi na
colecta placa.

E placa necesario pa e intento aqul a
ser colecta door di un gran numero di
accionnan y donacionnan. Ds Gumbs
ta spera cu e aula lo crece y bira un
interesante jeugd- y cultuureentrum.

Tratado di paz firma na Argelia

ARGEL, 19 juni — E moslemnan y
e colonialistanan Frances na Argelia
ayera a firma un tratado di paz. E or-
ganisacion di exercito a ordena pa stop
cu e campanja di destruccion y a hala
e orden na Francesnan pa bandona Ar-
gelia aden.

Prome cu esey un lider Mahome-
tano a participa via di radio, cu e
nacionalistanan ta dispuestu pa duna
e terroristanan Frances amnestacion
y tuma colonialistanan den e exerci-
to di seguridad.

President De Gaulle, kende ayera
despues di un gira di cuater dia door
di e parti oost di Francia, a regresa
Paris, a duna su aprobacion na e
acuerdo.

Pero e organisacion di exercito se-
creto, cu enfasis a declara cu Fran-
cia no tabatin nada di haber den e
establecimiento di e acuerdo.

Mas di 150.000 colonialista a sali
entre tanto pa Francia atrobe.

E acuerdo di Evian a stipula en-
canto amnestacion, cu esey ta va-
lido solamente pa violacionnan y cri-
menan te na dia cu nan a stop di
bringa. Den e acuerdo cu nan a lo-
gra awor nan a hala e fecha ey pa
te cu ayera.

Tocante e participacion di e Fran-
cesnan na mantencion di orden taba-
tin den e acuerdo di Evian solamente
un provision pa duna solamente du-
rante e periodo di traspaso, esta esey
quier meen te cu na un odestinacion.
Por lo demas e organisacion di
exercito secreto ta bai di acuerdo
cu e tratado di Evian.

E direccion di e organisacion se-
creto di territorio di Oran a ginta pa
di cualkier manera tin algu di haber
cu e tratado y negosacionnan hiba
na Argel entre lidernan di e organi-
sacion di exercito y e nacionalistanan
Argelino.

Naq ta considera na Argel proba-
ble, cu si tur cos bai bon, hopi di e
150.000 colonialistanan Frances cu a
regresa Francia, lo bolbe Argelia.

E situacion na Argelia

„Cu boso arma, sigui e lucha".
Asina un persona a bisa ayera noch
den un transmision clandestino di ra-
dio na Oran. El a agrega: „No ta
bala pena optimismo na Oran. Aya
e situacionnan importante".

Den pamfletanan, cu nan a parti
ayera tardi a Bonn, e comando supre-
mo di exercito secreto na e parti
oriental di Argelia ta distancia su
mes di deliberacionnan cu lidernan di
exercito secreto y e gobierno provin-
cial a hagi y cu a conduci pa un
acuerdo.

Na Argel un boser di exercito se-
creto a bisa den un transmision clan-
destino di radio: Awe Jean-Jacques
Susini lo dirigi palabra pa e pobla-
cion Argelino y principalmente pa e
comunidad Europeo tur mester com-
prende cu nan a haci un paso impor-
tante den e direccion di un reconsi-
tacion.

Na Argel nan no a come ayera
ningun atentado. Den e ciudad Ar-
gel nan a cambia e prohibicion di sa-
lida nocturno pa te mei anochi.

Te ainda e poblacion tanto Arabe
como Frances no ta confia e siua-
cion. Te ainda e fila di Francesnan
dilanti oficina di pasashi ta mes largu
cu e dianan anterior.

Ehército secreto kier tempu pa pensa

E ex-burgemeester Jacques Chev-
allier di Argel a declara ayera cu e
organizacion di exercito secreto na
Oran a pidi 24 ora pa pensa y pa e
por studia e tratado di paz cu e na-
cionalistanan Argelino.

Segun Chevallier tabata sinembargo
casi sigur cu e organisacion di exerci-
to secreto na Oran, lo aproba e
acuerdo.

E ex-burgemeester, kende a actua
como intermediador na e negosacion-
nan cu a trece e acuerdo, a bisa cu
tur ex coronelnan di exercito Fran-
ces, kendenan actualmente ta forma
parti di e organisacion di exercito se-
creto den territorio di Oran, cu ex-
cepcion di ex coronel Yves Godard,
a duna nan aprobacion na e negos-
acionnan. Ex coronel Yves Godard
tabata hefe di servicio di seguridad
na Argel.

Cuater papoca a hanja aqul un parti
di Indonesia y e ta den nan poder como
prisonero y el a ser entrega na marinier-
nan di Kampung Wersar cerca Tembu-
kuan na Nieuw Guinea. Riba e portret
nos ta mira com e preso ta ser trans-
porta pa interrogacion.

Situacion actual na Nieuw Guinea

HOLLANDIA, 19 juni — Na Nieuw
Guinea ta existi e peliger pa un segundo
Congo, si Hulanda entrega guberna-
cion? Experntan responsable na Hol-
landia ta considera e peliger aki masha
chikito, lo no ta nifica, cu e hulandes-
nan na Nieuw Guinea no ta papia to-
cante e asunto ei.

E motibu di e combersacionnan ey ta
e declaracionnan continuo di e lidernan
Papoea, cu ta duna resistencia na ac-
ceptacion di e plan-Bunker y e idea cu ap-
arentemente algun di nan tin pa procla-
ma independencian, si Hulanda retira for
di Nieuw Guinea.

Den circulacion di experntan nan ta
mustra na prome lugat riba e hecho cu
e lidernan di Papoea, awor ta tuma un
posicon extremo, basando nan mes riba
e pensamentu, cu si nan entrega resi-
tencia, esey lo nifica cu tur porta ta
habri.

Cu si e resistencia aki ta realisable
den practico, ta wordo duda. Pues tin
un diferencia grandi di opinion entre e
Papoeanan, cual ta expresa su mes den
e cantidad basta grandi di agrupacion-
nan politico tin biaha masha chikito y
contrariedadnan entre e diferente grup-
onan di poblacion.

E reparticion politico aki a trece
tambe cu falta un movimientu nacional
politico. Huntu cu esey falta na Nieuw
Guinea e motibu pa un lucha contra
un poder colonial, cu den territorionan
colonial a resulta den trecemento di
nacionalismo den un fila.

Soebandrio tocante mensahe na Oe Thant

E minister indones di exterior, dr
Soebandrio, ajera mainta a confirma, cu
el a ricibi un telegram di e secretario
general interno di Nacionnan Uni, Oe
Thant.

El a bisa na periodistanan, cu gobier-
no indones mester studia e situacion no-
bo cu masha cuidao, prome cu e manda
contestat pa Oe Thant.

E minister a caba di asisti na un reu-
nion di e comando operacional, presidi
pa president Soekarno.

Na e reunion ey nan a studia e men-

sahe di Oe Thant, Minister Soebandrio
a bisa, cu indonesia kier sa kico e hu-
landesnan precisamente a acepta di e
proposicionnan di Bunker.

Naturalmente mester compara local
cu e hulandesnan a acepta cu loque nos
a acepta.

Pa esey e delegado di Indonesia na
Nacionnan Uni a haya orden pa deli-
bera cu Oe Thant, pa asina oraci un
comparacion, asina leu Soebandrio.

Peticion di Oe Thant na Soekarno

For di banda di secretariado di Na-
cionnan Uni ta wordo informa, su e
hefe di e delegacion hulandes, mr C.
W. A. Schurmann, diasabra a laga Oe
Thant sa, cu su gobierno ta acepta e
proposicion di Bunker en principio.

E secretario general a pidi pa e du-
na un aplicacion mas aleu riba peticion
di e delegacion di Indonesia. Gobierno
na Den Haag a acepta e proposicion di
Bunker „como base pa negociacionnan
pero Indonesia no tabata sabi e formu-
lacion aki mucho cla y a pidi pa un
aplicacion mas detaya.

Un portavoz di e servicio di reino
di informacion a participa riba un pre-
gunta en cuanto e asunto aki cu for di
e debate den camaranan no a bini nin-
gun cambio den punta di bista di gobier-
no hulandes en cuanto reanudacion di
e negociacionnan, loke ta nifica, cu Hu-
landa te ainda ta dispuestu pa mas pron-
to posibel a base di e plan Bunker cu-
minsa combersa cu e indonesnan.

Situacion na Guinea

Di e regreso di muher y muchanan
for di territorionan infiltra na Nieuw
Guinea pa Hollandia, nan a tende, cu
no ta berdad.

Tin hopi pregunta tocante loke e in-
donesnan lo haci despues dje aterizaje-
nan di paracaidista y cual lo ta nan
siguiente paso. For di rapportnan dje
territorio aki ta parece, cu mas e acci-
onnan contra indonesnan ta adelanta, mas
ta existi e sentimentu pa normalisa e
situacion. Ningun persona na Nieuw
Guinea sinembargo por pronostica, kico
lo serode mayan.





CINCO Y SEIS

Resultado di e caredanan di diadomingo 17 di junio di 1962.

CABAINAN GANADOR

Promer careda: — La Coneja (48 kilo) componente di llave 9, di preparador D. Noguera cu jinete C. Cruz. Distancia 1300 metro. Tempo 78 3/5 sec.

Di dos careda: — Tucur (48 kilo) componente di llave 10, di preparador D. Noguera cu jinete Gmo. Gonzalez. Distancia 1600 metro. Tempo 98 2/5 sec.

Di tres careda: — Cortical (48 kilo) di preparador M. Ziadie cu jinete T. Tosta. Distancia 1700 metro. Tempo 104 3/5 sec.

Di cuater careda: — Bajadon (54 kilo) componente di llave 10, di preparador J.R. Fernandez cu jinete M. Camacaro. Distancia 1400. Tempo 81 sec.

Di cinco careda: — Capa Mora (49 kilo) componente di llave 10, di preparador J.R. Fernandez. Jinete Manuel Camacaro. Distancia 1100 metro. Tempo 65 3/5 sec.

Ultimo careda: — Uapopi (51 kilo)

di preparador V. Aleman cu jinete Gmo. Gonzalez. Distancia 1600 metro. Tempo 100 3/5 sec.

Den e ganadonan di e siman aki nos ta hantia tres promer favorito y dos segundo favorito. Cortical e ganador di e careda di tres no a hantia ningun punto den e concurso di favorito di Prensa y Radio. Pero e triunfo di Cortical no tabata suficiente pa elimina e mercado liber cu nos a pronostica. E caredanan toch a resulta hopi interesante. Dos biha tabatin mester di fotografia pa decider di ganador. Den e promer careda a pasa un accidente cu e cabai Coquette II, cu a haci un salto mortal deno Bs. 81.75. E caredanan di 5 y 6 miniza. E animal a hantia porrazo asina grave cu e mester a wordu sacrificia. Su jinete Omar Perez a sufrir fractura di su clavícula y mester a bai hospital. Cu e triunfo di mayoria di e favoritonan, a resulta 230 formularios cu 6 cabai ganador y 7.354 cu 5 cabai ganador. Tabatin sella 5.36 formularios pa un valor di Bs. 3.214.091. E cuadronan di 6 cabai a gana Bs. 3.975.75 cada uno y esunnan di 5 cabai a hantia cada uno Bs. 81.75. En caredana di 5 y 6 a cuminsa un tiki laat como tabatin promer un careda pa Gentleman Ri-

Un habitante di e luga Gossel, mirando su aparato di television a ser inspira cu un invencion den forma di un dielul, cu ta forma manera un trechter rond dj aparato di television. Esaki ta un invento cu ta evita tur storing den ambiente dje aparato.

ders. den cual mayor Delfin, cu Guarico a sali ganador. Con e cabainan a corre.

PROMER CAREDA: — Victoria pa La Coneja, conduci pa Carlos Cruz. Arauca e gran favorito, a corre cu tropiezo y no por a cumpli manera e aficionadonan a spera. Ferguson a cumpli mihor i yega di dos, 3/4 cuerpo tras di e ganador. Su atropellada tabata mucho laat. Cañafistola a logra ocupa di tres puesto sigui pa Incendiaría. Lanzeta a cerra e marcador. E yabi di Muñoz C. a malogra den e careda. Tambe Andy a fracasá.

DI DOS CAREDA: — Manera nos a pronostica Tucur e conquista otro victoria. Guillermo Gonzalez a cruza e meta cu un cuerpo dilanti di Le Pavois. Na altura di 400 meter final Blue Singer y Le Pavois tabata hiba hopi ventaha y ya tur hende a kere cu un di e dosnan aki t'e ganador. Pero Tucur, den e ultimo serech a avanza cu un tremendo velocidad pa alcanza e punteronan y cruza e linea final como ganador. Le Pavois a yega di dos y Surcouf a

yega di tres. Blue Singer basta cansa, a yega di cuater, sigui pa Recife.

DI TRES CAREDA: — E unico batucaso di e competencia a resulta den e careda aki, ora cu Cortical a cruza e meta como e ganador. Sin embargo e triunfo di Cortical no a derriba suficiente cuantos pa evita un mercado libre. E careda a inicia cu Adour y despues Faster como puntero persiguiendo cu persistencia. Despues ta Blux Fox a avanza cu brillo, pero Cortical a sostene su posicion pa gana e careda cu diferencia di un nanishi den un final di fotografia. Blue Fox a ocupa di dos nubes. Faster cu a haci un bon careda y lotra di tres lugar, sigui pa Quemov. Brasil'o a completa e marcador. Butirino, e "fija nacional", a yega ultimo fuera di careda.

DI CUATER CAREDA: — Shabato, nos fija di siman, a perde den raya cu Bajadon den un final di fotografia, pero nos mester bisa cu Gustavo Avila a hantia tur cos na su contra y ora el a hantia ocasion di actua cu libertad, ya tabata laat caba, pero asina mes el a perde cu diferencia minimo. Na nos opinion, Bajadon a gana pa suerte, aunque cu e cabai dia pa dia ta demostra mas capacidat di bon corredor. Di tres lugar a keda ocupa pa Miotuyo cu un bon atropellada final. Plateao a ocupa di cuater lugar, sigui pa Glaciar cu a completa e marcador.

DI CINCO CAREDA: — Capa Mora cu nos a indica como un di e fuertenan den e penultimo careda a cumpli perfectamente pa gana e prueba cu un cabez dilanti di Solares.

Camacaro a comoda su animal pega cu Controlado na tiro pa pasa ora ta conveniente. Despues e mester a resisti e fuerte atropellada di Solares. Controlada a keda di tres, sigui pa Counter Point. Ana Karina Rote a completa e marcador. Disturbio, senjala como batucaso, a yega di 6. Elvirita a perde tur chens pa via di un mal salida.

ULTIMO CAREDA: — Por fin Uapopi a logra su promer victoria despues di a corre 9 viaha di cual e ultimo 7 viaha semper pilotea pa Guillermo Gonzalez cu awor tin e satisfaccion di a logra e triunfo dilanti di Capitán Nemo, cu veniaha di 1 1/4 cuerpo. Guillermo Gonzalez a logra e victoria den e ultimo 500 meter, ora cu Capitán Nemo cu Hasty Nance tabata lucha pa e triunfo. Uapopi a pasa pa parti di pafor na rema a cu facilidad. Capitán Nemo a keda di dos y Hasty Nance di tres. Metron, cu tabatin mal salida y a manosea den e recta final a logra toch ocupa di cuater lugar indizando asina cu e careda aki cu pronto su dia di gana lo yega. Carta Magna a completa e marcador.

LUCHA DI IDIOMA NA ANTWERPEN

BRUSSEL, 19 juni — E misa di Spiritu Santo na Antwerpen ayera tabata escena di un parti di e lucha di idioma flamenco. Diferente parroquianonan a protesta contra e hecho, sen cu tosonento of door di bandona iglesia demostrativamente, contra e hecho cu predicashinan tabata na frances.

Dilanti di e misa gruponan demonstranten hoben a grita e baldonan di misa despues di servicio.

Polis mester a haci uso di klop ora cu e demonstranten kier a forma un optocht.

Na april tambe tabatin demostracionnan den e misa aki.

NACIONALISACION NA ITALIA

ROMA, 19 juni — E gobierno italiano a dicidi di nacionalisa e empresanan di electricidad, asina nan a anuncia ajera noch na Roma.

YABI

pa bo exito

Avisa den COURANT y compara e Arubaanse resultado !!

FOR RENT

Completely furnished

HOUSE

4 airconditioned bedrooms

from August 1st, 1962 — January 1st, 1963.

Location: Macuarima No. 87

(8 min. from O'stad).

For information: CALL NO. 1929

BO PANJANAN LO NO HANJA NINGUN DANJO den un

EASY
WASMACHINE
ARUBA TRADING CO.

Enjoy the feel of safe, railbound cornering even on wet and slippery roads.

D. K. W.

Agent: KUSTERS TRADING CO. — PRICE f3.350.—

NOBO NOBO NOBO

Nassaustraat 34
Nos a caba di ricibi Katuna Drip-Dry, wash and wear, cu disenjo nobo. Pa bunita bistrin bin weita nos Arnel nobo, den color y disenjo masha bunita. Un bunita surtido di tela pa mucha y Teenagers.

TA BENDE

UN CHEVROLET 1953

cu radio, den perfecto condicion. Pries barata.

Pa inf.: Jama tel. 1747

PRINS Y PRINCESANAN Y HUESPEDNAN MEXICANO PA AMSTERDAM

DEN HAAG, 19 juni — Principe Bernhard y princesanan Beatrix y Irena lo haci diabiernes dia 22 di juni un bishita na e pueblo latino mericano riba e plaza Amstel den compania di e casa di president di Mexico y su jiu muher. Nan a traha e pueblito aki en honor dje di 66 lustro di universidad di Amsterdam.

MERCA Y PANAMA

PANAMA CITY, 19 juni — President Chiari di Panama a bisa ayera noch den un transmission na radio, cu e kier mira e palabranan — pa semper — for di e concesion di Panama Kanaal. Tambe e kier a haci algun cambio den frasenan, cualnan a toca nos dignidad nacional.

El a bisa ademas, cu e comision mixto, di cual a conveni formacion cu president Kennedy, pronto lo reuni pa di prome biaha na Panama.

President Chiari a bisa, cu e kier haya mas resultadonan comercial for di e zona di canal y mas trabao pa panamenjonan. Bandera panamenjo semper lo worde hisa banda di esun mericano, spanjo mester ta un idioma oficial.


Sesionnan di corte di husticia mester ta mezcla y mester usa stampianan panamenjo.

Nos ta mira aqui ambos top-schaker Averbach y Boleslavski na bordchinan durante e wegá di telex-schaak di diadomingo. Y si nos no ta robez, Boleslavsky (ruso) y Schob (antillano) a gana wegá di schaak di Hulanda.

Laga nos duna bo un demostracion cu e tape-recorder portatil SIERA cu nos a caba di ricibi. **CASA ELECTRONICA** (Banda di Viana) - Tel. 5371


Practical Prices
cu materialnan di construccion di calidad y na prijs atractivo, easy ta solamente na

PETRONA & CROES



Blokki di cement di nos stock y cuanto cu bo ta desea, franco na bo trabao.

CEMPRO N.V.
WAYACKA - TEL. 2444



Continental Tyres

Among the Best

Be sure of perfect reaction, superior comfort and high mileage.

E. & G. MARTIJN (ARUBA) LTD

KNSM

your line

TELEPHONE 1777 - 3 LINES

SCHEDULE OF ARRIVALS/DEPARTURES AT/FROM ORANJESTAD

| SHIPS NAME | DATE: | FROM: | TO: |
|-----------------------|-------|-------------------|-------------------------------|
| PRINS DER NEDERLANDEN | 19/6 | Europe, Curacao | Caribbean Cruise |
| AMMON | 23/6 | New York, Curacao | Trinidad, Venezuela, New York |
| CERES | 25/6 | Europe, Curacao | Colombia, W.C. South America |
| ULYSSES | 25/6 | Europe, Curacao | Colombia, Costa Rica, Europe |
| TRITON | 28/6 | New York, Curacao | Venezuela, Trinidad, Europe |
| PRINS DER NEDERLANDEN | 30/6 | Caribbean Cruise | Curacao, Europe. |

CISCO KID

1. „Cisco bo a hanje?” „No Juan ta duel mi!” 2. „Ta duel, bo! Conque esey ta tur cos?” 3. „Si algo mester pasa cu mi ruman lo mi no perdona bo!” „Ami tampoco lo perdona mi mester!”




presenta pa cortesia di **YORK**
e prome cigarillo tamanjo **IMPERIAL**

AVENTURA DI OLLE presenta pa cortesia di SELMA'S KAPSALON

„E mammoet aki bal hopi,” e profesor ta bisa. „Si mi por hanje den mi cas lo mi bira un homber ricu.” „Esey no ta facil!” Olle ta bisa. „Pero k'ko esey ta? Di pronto e mammoet a desaparece y na su luga a keda un pla masha grandi. Aki nan si ta pasa cos stranjo.”



Aircondiciona, Boerhaavestraat 12, Oranjestad. Tel. 2750. Peinadó gradua cu experiencia di ultima moda. Solamente \$12.50 pa clientenan di luna, ademas pa cada \$25 gasta serca nos, e cliente ta ricibi un **SORPRESA**. Bishita nos y keda satisfecho.



CIFRANAN DI E CAMPEONATO CLASE "A"

(Di nos redactor Deportivo)

E ultimo cifranan ribi di e Asociacion di scorers di Aruba tocante e campeonato di baseball clase A ta lo siguiente:

| TEAMS | WG | WP | WA |
|--------------------|----|----|-------|
| Winston | 3 | 0 | — |
| North Stars | 2 | 2 | 1 1/2 |
| Esso ServiceCenter | 2 | 2 | 1 1/2 |
| High Life | 1 | 1 | 1 1/2 |
| Erres | 1 | 2 | 2 |
| Heineken's | 1 | 2 | 2 |
| Estrella | 0 | 1 | 2 |

10 mihor bateador nan cu 7 of mas turno

| NOMBER | AB | Hits | Aver. |
|----------------------|----|------|-------|
| L. Pantophilet (H) | 12 | 6 | .500 |
| Yonko Albertsz (W) | 13 | 6 | .462 |
| Crismo Angela (W) | 12 | 5 | .417 |
| F. Arrindell (Erres) | 13 | 5 | .385 |
| Juan v/d Biezen (NS) | 11 | 5 | .364 |
| R. Gumbs (W) | 14 | 5 | .357 |
| L. Gumbs (Erres) | 12 | 4 | .333 |
| B. Brete (NS) | 7 | 2 | .286 |
| P. Arrindell (Erres) | 7 | 2 | .286 |
| Eric Ponson (NS) | 11 | 3 | .273 |

Pitcheo

| | |
|-----------------------|-----|
| Yonko Albertsz (W) | 2-0 |
| Ale Angela (W) | 1-0 |
| Chilo Maduro (NS) | 1-0 |
| E. Connegeter (Erres) | 1-0 |
| M. Kruijthoff (HL) | 1-0 |
| I. Richardson (Esso) | 2-1 |

Bases roba

| | |
|-------------------|---|
| R. Jack (Esso) | 5 |
| J. Hieroms (NS) | 3 |
| R. Gibbs (Esso) | 3 |
| F. Lindsey (Esso) | 3 |
| 7 batters tied w. | 2 |


Carrera anota

| | |
|----------------------|---|
| Crismo Angela (W) | 7 |
| Y. Albertsz (W) | 6 |
| R. Gumbs (W) | 5 |
| I. Richardson (Esso) | 5 |
| 5 batters tied with | 4 |

Carrera empuha

| | |
|------------------|---|
| R. Jack (Esso) | 7 |
| B. Wester (W) | 6 |
| F. Arrindell (E) | 5 |
| 3 tied with | 4 |

Un candela fuerte a ser descubri ultimamente den un fabrica di rubber na Berle na Bergen (Limburg). E fabrica a keda totalmente destrui. E candela tabata asina grandi y cayente cu nan a calcula cu 750.000 florin a bai perdi.



EL DIARIO DE UNA VIDA presenta pa cortesia di: **REFRESQUERIA INGRID** Tel. 1849
★ e mehor adres pa snacks, tur clase di dushi, softdrinks, ice-cream y revistas

1. "Pelion kiko ta significa e espectáculo barba?"
2. "Mama esaki ta Dundee Greer, y mi no ta lagé bai te ora cu e bise..."
3. "Cu e lo casa cu mi!"
"Pero..."
Pelion!"



PEPITA

pa cortesia di: **Antillian Hardware Co**
Bo mehor adres pa HERMENT, Y TURMATERIAL DI CONSTRUCCION!

1. "Ta berdaz loke nan ta bisa di pushi pretu y mala suerte".
2. "Un a pasa mi dilanti ora cu mi a bolbe cas ayera".
3. "Y awe banco a manda jamá mi pa bisa mi cu cuenta no tin fondo".
4. "Mi ta kere cu lo bo a regla e asunto".
"Nan a bisa mi pa mi tene cuidao cu pushi pretu."



ADENAUER Y E POLITICA DI UNIDAD DI EUROPA

CONN. 19 juni — Canciller Adenauer en todo caso lo haci tur loke ta na su alcance pa realisa unificacion politica di Europa a base di e seis paisnan di EEG, asina e portavoz di gobierno di Alemania Occidental a declara ajera na un conferencia di prensa.

El a desmenti e noticiaann, cu parce dr. Adenauer tin e plan pa un union politica di Alemania Occidental, Francia e Italia.

Un realisacion di e posibilidad, cual e canceller poco dia pasa a menciona den un entrevista, a parce for di cuminsamentu imposible. Pues Italia ta contra un tal asociacion mesos cu e paisnan di Benelux.

E ELECCIONNAN NA PERU

LIMA, 19 juni — E comandante di forza aerea, general mayor Pedro Vargas Prada, a worde destitui di su puesto. Diferente alto oficialnan, entre cual e jefe di general staf, general mayor Cardona, a entrega nan retiro como acto di solidaridad, asina noticianan den prensa local ta bisa.

Observadornan ta di opinion, cu e retiro por ta un consecuencia di e diferencianan di opinion entre eherito tocante e resultadonan di e eleccion cu a worde tene siman pasa diadomingo.

Un siman despues di e eleccionnan aki pueblo ta puntrando su mes, kende a worde eligi president. Parce cu te ainda nan a conta solamente un tercera parti di e votonan.

ADENAUER NA BERLIN

BERLIN, 19 juni — Ayera conmemoracion di e revolucion fracasa na aña 1953 na Alemania oriental — canceller Adenauer a tene un discurso na West Berlin. Dilanti di cas municipal tabatin un multitud di 200.000 hende.

Canciller Adenauer a bisa cu for di 1953 tres millon habitante di Alemania oriental a hui pa occidente. Dea historia Aleman e deseo aki pa libertad lo keda marca cu leternan di oro. Dr. Adenauer a pasa ocho ora na Berlin. El a haci su viahe den un avion militar di Merca.

PARTIDO COMUNISTA NA WEST BERLIJN

BERLIN, 19 juni — Diestres ofi-

Aqui nos ta mira Prinses Beatrix durante e paseo riba terraza nobo dje ciudad na miniatura, Madurodam. Na su lado derecho Sr. G. A. Boon, na izquiera Diek de Brauw, quende tambe ta burgemeester di Madurodam.

e'na dje e partido comunista na West Berlin lo tin mag di worde abri atrobe te ora cu corte di husticia duna n decision.

Dies dia despues cu nan a lanta e muraya na Berlin polisanan a cerra e oficinanan pa motibonan di seguridad. En bista di un queho di e partido na huez administrativo contra actitud di polis y door cu huez te ainda no a duna fallo, e oficinanan tin mag di keda abri te ora cu huez d'icidi.

E partido comunista na West Berlin ta admitti como partido politico.

ENTREVISTA RUSK-BOBRYNIN

WASHINGTON, 19 juni. — Mi-

nister Mericano di exterior, Dean Rusk, tabatin ayera un entrevista di un ora y mei cu embahador Ruso Dobrynin.

Tabata nan di 4 entrecambio di idea tocante kestion di Berlín. Un bosero di Sta e Department a bisa, cu e conversacion no a trece ningun noticia strango. Segun e esfera tabata serio, pero cortes. Embahador Sovietico no kier a duna parti parti popularidadnan acerca su entrevista.

AMENAZA DI HUELGA PETROLERA NA ECUADOR

QUAYAQUIL (Ecuador), 19 juni. — Obreronan den industria petrolera na Ecuador a anuncia cu un ramion masal, cu nan lo huelga, si Anglo Ecuadorian Company Ltd. no consenti cu nan exigencianan, cu nan a entrega mas di un luna pasa. Nan a establece un tribunal di reconciliacion pa trata di evita e huelga. E obreronan a pidi pa aumento di sueldo mas personal medico den nan clinicanan y reapertura di 300 fuente, cu e compania a cerra.

PRINS BERNHARD PRESIDENT

DEN HAAG, 19 juni. — Principe Bernhard lo wordu electo durante e on di instalacion dje conseho industrial pa Surinam y Antilles, como president di honor dje conseho. Nan lo tene e reunion aki otro mayan den Hotel Wottebrug na Den Haag.

SUSPENSION PRUEBA MERICANO NUCLEAR

WASHINGTON, 19 juni. — E prueba Mericano nuclear cu Merca kier a tuma ayera noch riba altura di 320 km. riba e isla Hohnstoe den pacifico, a worde suspende pa 24 ora, asina e comision pa ensera nuclear na Washington a declara. E suspensio tabata e consecuencia, di e tempu malu riba e territorio menciona.

COMANDO DI FORSA AEREA RUSSO PA INDONESIA

MOSCU, 19 juni. — E agencia Ruso di noticia a participa, cu e comandante di e forza aerea Ruso, mariscal Aera Wersjnin, ayera a sali pa Indonesia.

E ta contesta e bishita, cu vice-mariscal Omar Dani a haci na februari na Rusia.

Manholt a sali bai for di Conseho Ministerial di Comunidad Europeo

BRUSSEL, 19 juni. — Dr. L.S. Manholt, vice-president Hulandes dje comision di comunidad economico Europeo, a sali furioso ayera noch for dje reunion di e conseho ministerial di e comunidad Europeo, cu nan a tene na Brussel. El a declara, cu e no tuma satisfaccion cu e manera riba cual ministernan dje comunidad Europeo ta haci e presupuesto suplementario mas chikito. El a bisa, cu tin suficiente persona kwalifica e no por tuma responsabilidad, di e ehecucion di e politiek agraria di e comunidad y cu awe e lo propone na e ministernan agraria di e seis paisnan di suspende e ehecucion dje reglamentunan agraria.

Atrobe diferencia di opinion na Laos

VIENTIANE, 19 juni. — Ta parce cu atrobe tin diferencia di opinion entre lidernan di varios agrupacion na Laos. Despues cu nan a yega di acuerdo tocante formacion di un go bierno di coalicion, bo di direccion: di principe Soevanna, nan tin actualmente diferencia di opinion tocante ratificacion di e proclamacion door di rey Savang Vatthana. E homber derechista duru, general Nosavan, ta di opinion, cu e proclamacion door dje asamblea derechista nacional mester wordu aproba. Principe Soevannavong, lider izquierista, no ta acuerdo cu e marcha di asuntonan. Cu vista riba esaki el a suspende su salida for di Hanoi pa e ciudad Lasio-nao di gobierno Vientiane.

DESARROLLO NA SUR COREA

SEUL, 19 juni — General Tjoems Hi Park, vice-president y president di e conseho supremo di Corea, a worde nombra premier di e pais. Pero e conseho supremo cu actualmente ta na mando a lague sa cu e nombramentu ta temporal. Tjoems Hai Park lo keda premier, te ora cu nan a nombra un sucesor di teniente general Jo Tsang Song kende antayera a baha como minister-president.

SEGUNDO MINISTER HEATH A YEGA HULANDA

DEN HAAG, 19 juni. — E segundo minister Ingles di exterior, Edward Heath, ayera tardi a yega na e aeropuerto Ypenburg pa deliberacionnan cu e minister Hulandes di exterior, mr. Luus.

Despues di su yegada minister Luus a ricibi e segundo minister Ingles na su cas pa un diner y e prome buelta di e deliberacionnan tocante kes ion-na Europeo.

Ayera mainta nan lo a sigi cu e deliberacionnan.

Manera ta conoci e minister Ingles a hiba deliberacionnan caba ta Paris y Bonn.

DISCURSO DI FOUCHET

ROCHER NOIR, 19 juni — E alto comisario frances na Argelia, Christian Fouchet, awe noch na Rocher Noir via di radio y television lo tene un discurso, asina nan a participa ajera mainta.

NOTA DI GOBIERNO DI SPANJA

MADRID, 19 juni — E conde di Barcelona, pretendor pa corona spanjo, ta considera Gil Robles, lider di e Cristian Democrat derechista na Espanja, como expulsa di e conseho particular. Asina fuentenan generalmente bon na altura ta informa. Parce cu esey ta para den un nota, cu Don Juan a entrega na gobierno di Espanja.

DIRECTOR DI BANCO FRANCES ARRESTA

METZ, 19 juni — Ajera polis di Francia a arresta na e frontera entre Francia y Luxemburg Georges Roux, kende ta director di sucursal di un banco frances na Luxemburg. Parce cu Roux a yuda Jacques Gueriot, kende parce ta lider di e complot pa mata De Gaulle, pa e hui. Nan ta acepta cu Gueriot ta na Luxemburg.

BASIS FRANCES NA BIZERTA

TUNIS, 19 juni. — Un parti di forza aerea Frances y e basis di marina na Bizerta lo wordu pasa na fin dje luna aki pa e Tunesinonan, asina nan a tende dje banda bon informa na Tunis. Ta pertenece na e instalacionnan e arsenal na Menzel Bourguiba, caminda e Tunesinonan kier construi un waf y u hospital di mas o menos 500 cama.

HUIDA VIA TUNEL

BERLIN, 19 juni. — Dos muher y dos mucha a hui ayera noch for di Berlin oost via un tunel den e parti occidental dje ciudad. Un miembro di guardia di Alemania Oost, cu probablemente kier a signan ehempel, a wordu tira mata door di e coleccionan.

Durante dianan di fiesta di Pentecostes, ta di e manera aqui autoridad na Hulanda oer a recorda e piratanan di camina cu nan mester tene cuenta cu seguridad di nan vida, pero principalmente cu bida di otro hende. Hasta na television nan a haci un reproduccion dje bordchi aqui pa trafico seguro.



ARIES 21 Maart — 20 April



No confia mucho riba tur loke otro ta haci of loke nan ta conta bo. Bai poco poco a nochi.

TAURUS 21 April — 20 Mei



Sea prudente awe, pasobra tin perdi-do awe pa bo. E acento ta riba financia y propiedad.

GEMINI 21 Mei — 20 Juni



E paradero di lona ta haci bo atractivo y otro lo tene cuenta cu bo awe. Bon aspecto di financia.

CANCER 21 Juni — 22 Juli



Tene bo tranquilo awe, no cuminsa na nada nobo pasobra bo no por caba toch.

LEO 23 Juli — 22 Augustus



Sea prudente den informacionnan pa plannan di placa, nan lo por ganja bo.

VIRGO 23 Augustus — 22 September



Bo interes di deseo pa otro hende lo worde paga. No cana awe cu mucho fantasia. Keda aierta.

LIBRA 23 September — 22 October



No larga nan ganja bo awe den asunto di amor. No spera judanza di otro trata bo mes na hasiele.

HOROSCOOP DI AWE
Pa cortesia di **BOTICA ARUBA**
„Bo botica di confianza“
tel. 1080-1081

SCORPIO 23 October — 22 November



Paga tino bon riba cada noticia cu bo hanja awe. Non por ta di bon interes pa bo.

SAGITARIUS 23 November — 21 December



Weta bon kico bo ta bay cuminsa awe, pa despues bo no hanja du-le pasobra ya lo a laat e ora ey.

CAPRICORNUS 22 December — 19 Januari



No bira asusta si bo ta pensa cu nan a larga bo atras of cu bo no por ini cla, sea optimista.

ACUARIUS 20 Januari — 18 Februari



Lo bo tin masha smaak den bo hobby awe, sea carinioso cu tur hende pa despues nan mustra bo di nan lamente.

PISCES 19 Februari — 20 Maart



Verdia no ta mishiho bon pa asunto di financia y concencionnan cu importante pa bo.